

【经文信息】大正藏第 19 册 No. 0999

## 佛说守护大千国土经 3 卷

[卷上](#) [卷中](#) [卷下](#)

No. 999

### 佛说守护大千国土经卷上

西天北印度乌填曩国帝释宫寺传法大师三藏沙门赐紫臣施护奉 诏译

如是我闻。一时世尊。住王舍城鹫峯山南面佛境界大树林中。与大苾刍众千二百五十人俱。其名曰尊者舍利弗尊者摩诃目干连。尊者摩诃迦叶尊者伽耶迦叶。尊者那提迦叶尊者摩诃那提迦叶。尊者阿若憍陈如尊者优楼频螺迦叶。尊者摩诃迦旃延尊者跋俱罗尊者婆藪盘豆尊者俱絺罗。尊者嚩倪舍尊者阿湿嚩尔多。尊者须菩提尊者苏婆呼。尊者阿宁嚩驮尊者难提枳曩。尊者离跋多尊者准提曩。如是等千二百五十大苾刍众俱。是时摩竭提国韦提希子阿闍世王。供养恭敬尊重赞叹。以衣服卧具饮食汤药珍玩宝物。而供养佛及比丘僧。是时大地欻然震动。大云普覆起大恶风。雷声震吼掣电霹雳。降大雨雹周遍而霑。十方黑暗星宿隐蔽。日月不现不能照曜。日无暖气亦无光明。人民惶怖。是时世尊以净天眼。见毘耶离大城王及臣民。有如是等灾难竞起。复次毘耶离别有离车子等。或有内宫嫔妃嫜女。为彼鬼神之所恼害。诸王王子及诸老幼。奴婢仆从并诸眷属。皆为鬼神恼害惑乱。彼毘耶离大城一切人民。若苾刍苾刍尼优婆塞优婆夷。皆悉怕怖闷绝悼惶。身毛皆竖仰面号哭。而作是言。

曩谟没驮野。曩谟达摩野。曩谟僧伽野。一心归依乞求加护。或有婆罗门及诸长者。不信三宝归向梵天王者。或归向天帝释者。归向护世四王者。归向摩酰首罗者。或宝贤药叉大将满贤药叉大将诃利帝母。日月星辰山林药草。江河陂池园苑塔庙。随所乐着悉皆归敬。作如是言。我此灾祸怖畏患难。谁为救济云何令我速得免离。尔时世尊愍诸众生。别现瑞相起变化行。以是行故令此三千大千世界天人阿修罗。闻其音声生恭敬心皆来集会。是时索诃世界主梵天王。与梵天天子众俱。天帝释与忉利天众俱。四大天王与四天王天

众俱。二十八药叉将与三十二大力药叉俱。诃利帝母并其子及眷属俱。于夜分时来诣佛所。诃利帝母以自威光。辉赫晃耀照鹫峯山皆为一色。到世尊所顶礼佛足。却住一面异口同音。赞叹如来说伽他曰。

端严金色相 由如净满月  
富如毘沙门 吉祥之宝藏  
游行如师子 威德若大龙  
巍巍真金聚 阎浮檀之色  
暗夜清静月 安住众星中  
于诸声闻众 显焕庄严相  
归命薄伽梵 诸天人中尊  
利益于人天 住世垂救护  
守护大千经 过去佛已说  
尽此轮围山 而结金刚界  
稽首人中尊 归命无所畏  
合掌恭敬礼 牟尼大法王

是时世尊于一念顷默然而住。告四天大王言。大王汝等现是色相形类差别。云何恼乱我诸弟子。大王若复有人闻佛法僧。出现于世心生欢喜。如是人等于佛法中。植菩提种生值佛世。遇辟支佛及阿罗汉诸声闻众。于佛法中植众德本十善具足。命终之后当得往生三十二天。一一天上为天王身受天快乐。复生人中作转轮王。统领四兵王四天下。乃至大海皆为一境。得七宝具足得千子围遶。其王千子智能明达。勇猛精进无诸怖畏。妙色端正有大神力。迅疾如风威德自在能伏怨敌。以是因缘获得如是福德果报。贪着爱欲娱乐自恣。汝等今者于如来前。起憍慢心现如是相作如是事。于我弟子心生轻毁恐怖恼害。

是时北方药叉主毘沙门天王。即从座起偏袒右肩。右膝着地合掌恭敬。而白佛言世尊。我今住处有一大城及以聚落。园林花菓宫殿楼阁。周匝栏楯金银阶道。种种宝物而严饰之。安以表刹四面悬铃。妙真珠网罗覆其上。烧众名香昼夜氛馥。散诸杂花遍布其地。清静皎洁甚可爱乐。百千天女周匝围遶。我处于彼受五欲乐无有厌足。如迷醉人不能惺悟。犯所行行违本所愿。以是义故诸药叉众周遍世界。十方驰走饮血啖肉。若男若女童男童女。于如是人作诸执魅。及诸恶食食血者。食肉者食胎者。食生者。食命者。或作畜生及诸异类。或作师子常食有情。彼恒杀生食啖其命。大德世尊我今于佛及四众前。说彼药叉所现色相。种种形貌一一不同。此药叉众皆有执魅。是故我常

手持宝塔内安圣像。彼执魅者药叉众中我名大王。是诸药叉烧种种香。燃种种灯散诸杂花。供养塔像及供养我。世尊若药叉众作执魅者。令其众生现如是相。若常笑喜若常惊怖。若常啼泣若多语言无有其度。若常狂乱若不睡眠。若身常疼痛若仰视虚空。若乐观星宿若常驰走。若昼即不乐夜即欢喜。若常健羨此诸乐叉。有如是等执魅之事。于诸世间无能制者。我有神呪悉能调伏。惟愿世尊听我说之。即说呪曰。

唵(引)阿哩(引)阿啰拏(引)咎(仁敢切)陞(引)惹胝嚩(引)阿佉[宁\*页](引)么佉[宁\*页](引)佉佉[宁\*页](引)佉[口\*朗](啰江切)疑(疑屬切)贺(引)哩并(并孕切)誡嚩(引)底铭(名孕切)拟攞儂悉钿覩满怛啰(二合)跛那娑嚩(二合引)贺(引)娑嚩(二合)萨底也(二合)萨覩(二合)吠(无每切引)室啰(二合)摩拏写么贺(引)啰惹写曩么(引)么(末音)嚩(引)[宁\*页](引)湿嚩(二合)哩也(二合引)地跛底曳(二合)曩娑嚩(二合引)贺(引)

是时东方彦达嚩主持国天王。从座而起偏袒右肩。右膝着地合掌向佛。恭敬作礼而白佛言。世尊我彦达嚩众执魅之者。其人现如是等种种色相。若常歌舞若爱庄严。若无贪爱若语言诚信。若乍瞋乍喜若复焦渴。若眼赤如朱若复疾病。若如中毒若闭目不开常在睡眠。若常背视面不向入。如是人等为彦达嚩之所执魅。于诸世间无能制者。我有神呪悉令调伏。惟愿世尊听我说之。即说呪曰。

唵(引)阿契(引)么契(引)尾曩契(引)满弟(引)嚩[口\*阑](引)祢(引)左跛嚩(引)嚩契(引)嚩佉儂(引)阿契(上)嚩(引)嚩贺嚩(引)娑彦那黎嚩势(引)嚩(无钵切)哩底(二合)娑嚩(二合引)贺(引)母煎覩彦达哩嚩(二合)佉啰呬(引)毘喻(二合引)地哩(二合)多啰(引)瑟咤啰(三合)写么贺(引)啰(引)惹写曩(引)么(引)嚩黎乃(引)湿嚩(二合)哩也(二合引)地跛底曳(二合引)曩娑嚩(二合引)贺

是时南方矩畔拏主增长天王。从座而起偏袒右肩。右膝着地合掌向佛。恭敬作礼而白佛言。世尊若我矩畔拏众执魅之者。现如是等种种色相。若多语若焦渴。若心迷乱目睛瞢瞪若面赤色。若常卧于地若身常拘急。若容貌丑恶若身体羸瘦。若长爪甲若长头发。若身体腥臭若身盆垢秽。若常妄语若语言狂乱。如是人等为矩畔拏之所执魅。于诸世间无能制者。我有神呪悉令调伏。惟愿世尊听我说之。即说呪曰。

唵(引)佉佉佉铭(引)佉攞铭(引)佉攞(引)铭佉啰黎佉啰契迦啰黎(引)迦尸儂(引)迦嚩铭(引)迦啰智(引)迦(引)黎迦(引)弥儂尾驮黎(引)闭(上)至(引)曳细(引)野舍嚩底三母(引)三弥儂舍緬覩铭(引)满怛啰(二合)跛那(引)娑嚩(二合引)贺(引)萨嚩萨怛嚩(二合引)南(引)佉啰(二合)虎婆喻(引)波捺啰(二合)嚩(引)尾嚩茶迦写么贺(引)啰惹写

曩么(引)嚩黎(引)乃(引)湿嚩(二合)哩也(二合引)地钵底曳(二合引)娑嚩(二合引)贺(引)

是时西方龙主广目天王。从座而起偏袒右肩。右膝着地合掌向佛。恭敬作礼而白佛言。世尊我诸龙等执魅之者。现如是等种种色相。若常餒啖若喘息长嘘。若身常冰冷若口吐涎沫。若多睡眠若身体如蛇光滑坚硬。若心勇猛不惧生死若能驰走无困乏时。若爪甲长利若手爬其地令如窟穴。如是人等为诸龙等之所执魅。于诸世间无能制者。我有神呪悉令调伏。唯愿世尊听我说之。即说呪曰。

唵(引)訖啰(二合)野细(引)訖啰(二合)迦晒(引)訖啰(二合)迦晒(引)加沙曳骨嚩(二合)计计骨[口\*禄](二合)佉铭骨嚩(二合)嚩(引)阿佉黎(引)娑么娑佉黎(引)迦护铭(引)阿鲁计(引)迦鲁计(引)伊哩(引)尸尾哩(引)伊哩弥哩(引)地(引)哩(引)虞嚩嚩底娑嚩(二合)悉底也(三合)窣覩(二合)尾嚩(引)膊(引)乞叉(二合)写么贺(引)啰惹写曩(引)么(引)嚩攞乃(引)湿嚩(二合)哩也(二合引)地钵底曳(二合引)曩娑嚩(二合引)贺(引)

尔时世尊于一切诸天龙神药叉众中大师子吼而作是言。我为一切世间调御丈夫天人师。具足十力四无所畏。难调伏者使令调顺。我今转大法轮。我独一身降伏汝等大药叉将。一切军众悉令降伏。我今以大智力。为欲拥护利益安乐一切众生。如来于一切悉地皆得成就。我有神呪名一切明。汝应听受即说呪曰。

唵(引)阿僧拟(引)康譏嚩帝(引)末攞儂哩驱(二合引)晒(引)戍(引)哩(引)戍(引)啰嚩哩(引)嚩日啰(二合)三铭(引)嚩日啰(二合)驮哩(引)萨担(二合)鼻捺哩(二合)姪娑哩(引)尾惹曳(引)尾伽细(引)嚩啰(引)訖啰钵啰(二合引)钵帝(二合引)阿啰拏(引)达么欲訖帝(二合引)祢尸尾驱瑟致(二合引)娑嚩(二合引)萨底也(三合)萨覩(二合)阿呬半(引)萨嚩萨怛嚩(二合引)南(引)左怛他(引)譏多末黎(引)曩乃(引)湿嚩(二合)哩也(二合引)地钵底曳(二合引)曩娑嚩(二合引)贺(引)

是时四方诸大药叉矩畔拏等。闻佛世尊说是神呪。一时合掌恐惧失色。怖畏战栗身体四肢。不能自胜出大怖声。其声远震十方闻知。四大天王作是思惟如来三密守护大千大明王神呪威德之力。广大甚深不可思议。彼诸药叉矩畔拏众诸鬼神等。闻佛所说皆悉降伏。犹如大风吹散火焰无有遗余。佛所说法亦如利刀。诸毒害心悉令断灭。佛言如梵王呪。破彼俱尾啰长子。令彼长子不起异心。若复有人为彼天龙及诸药叉矩畔拏众诸鬼神等。恼害惑乱执魅之者。当用醍醐及以芥子。以是神呪而加持之。掷入火中令火出焰。又掷四方及以上下。或掷入水。是诸人等速得安乐。若有不顺此呪者。以酥芥子相和

烧之。皆令出焰亦得安乐。彼等药叉为棒所打。身体生疮及有棒痕。彼药叉等疼痛苦恼。往阿拏迦嚩底王城。到已其俱尾嚩威德神力。勅诸药叉或不令入。不得饮食及其本坐。种种怖畏众会一处。出大音声。离药叉国此守护大千甚深经典。若有药叉及矩畔拏诸鬼神等不随顺者。彼诸药叉及鬼神等为大忿怒。金刚明王手执金刚而破其头。复以利刀而截其舌。复以利刀剽其耳鼻。或复斩截令身粉碎。或以刀轮而断其首。或以铁棒恒常鞭撻。或以铁橛而钉其心。或于口中常出脓血。毁谤斯经获如是报。常处轮回出已复入无有休息。诸有吉祥国土城邑不复共会。时四方天王。东方持国南方增长西方广目北方毘沙门天王。被忍辱铠各坐贤座住于佛会。大梵天王以神通力化作宝殿。种种妙宝以为庄严。其中复现金刚宝座佛坐其上。彼大梵天王及诸梵王。合掌作礼住立佛前。赞叹世尊作如是言。如真金幢金色晃耀。目若莲华清净无垢。如娑罗王树花开敷。如净满月众星围遶。相好巍巍功德庄严。牟尼法王为世间灯。天人称赞能令安乐一切众生。皆到究竟涅槃彼岸。出生于佛及辟支佛诸声闻众。天人神仙婆罗门等悉皆增长。是时世尊告大梵天王及诸梵众护世四王等。而作是言如来为欲利益安乐一切有情故。汝等听受。若复有人闻此经典轻毁之者。譬如有人动须弥山及四大海。乃至大地皆令翻覆。其人又言日月星辰水火风等。我能系缚致于他方令彼处现。如是人等为自欺诳无有是处。乃至起于种种异心轻毁之者。如是人等皆为嫉妬。不为利益一切人天。即为爱乐增长步多鬼神等众。彼诸鬼神周遍游行。伺求人便食啖其肉。如是人等即为一切魔王徒党。步多鬼神而为眷属。如是人等于此神呪不生信敬。以是神呪威力故。令彼人等知其过恶。即于佛前志心受持此守护大千陀罗尼经忏悔之者。是诸人等即得远离种种谪罚。时会大众顶礼佛足。各各瞻仰金色之身。是时复有毘首劫摩天子。为四天王造四大宝车。一一皆以七宝所成。谓金银琉璃真珠玛瑙。及玻胝迦珊瑚等宝。种种间错而严饰之。护世四王坐其宝车。以天威力悉变金色。乘空而行至步多国。香花宝物遍覆其地而为供养。

是时护世四天王。勅六十大药叉将言。汝等今者持是神呪。以呪威力往诣四方。所有一切药叉罗刹步多鬼神。汝以羂索当系其颈将来至此。乃至十方一切国土。有此最上甚深经典所在之处悉当守护。时梵天众及余诸天。皆悉以此甚深经典神呪威力。降伏一切药叉罗刹步多鬼神。而为守护大千国土。是时毘沙门天王大药叉。即往四方巡游世界。勅诸大药叉将。所有药叉罗刹步多鬼神。或住十方国土城邑或居岩窟。东方彦达嚩魅与二十八步多鬼神众俱。南方矩畔拏魅与二十八步多鬼神众俱。西方龙魅与二十八步多鬼神众俱。北方药叉魅与二十八步多鬼神众俱。如是等种种执魅。恒于世间恼害众

生作诸魅事。汝等诸大药叉将。以此神呪威德力故而降伏之。以五羂索系缚其身牵来至此。时矩尾啰说是语已。复有矩尾啰长子名散惹野大药叉。常乘于人。统领六十俱胝药叉及步多鬼神众俱。其第二子名惹儂迦大药叉将。统领六十俱胝药叉及步多鬼神众俱。其第三子名曰大魅大药叉将。统领六十俱胝药叉及步多鬼神众俱。其第四子名曰瓮腹大药叉将。统领六十俱胝药叉及步多鬼神众俱。魔酰首罗其天四臂具大威力。亦复统领六十俱胝药叉及步多鬼神众俱。如是矩尾啰长子散惹野大药叉将等。及魔酰首罗彦达嚩众。皆以此神呪悉令调伏。十方所有药叉罗刹步多鬼神亦令降伏。以五羂索系缚其身。牵来至此我令破坏。佛言若复有人。于此神呪如法受持。当想此大明王志心念诵如是神呪能摄一切诸大神呪等无有异。作忿怒声起勇猛意诵此神呪。彼药叉众步多鬼神。以是神呪威德力故。皆为毘沙门天王铁棒之所鞭撻。自缚而来归命忏悔。若诸魔王及诸魔众药叉罗刹步多鬼神。于佛法中常作魔事起诸障碍。以是神呪威德力故。于一念顷皆悉自来归命忏悔。彼诸药叉及罗刹娑步多鬼神。或居大海或住诸河。或居舍宅或依门户。或处空室湫泝江湖。川泽陂池园苑林树。或居旷野或住村坊国邑聚落村巷四衢。或居天祀或住王宫。或依干枯娑罗之树。或居道路或住城隍。或居道界或处一方。或住四隅或不依方所。有千万亿药叉罗刹及诸步多鬼神等众。以是神呪威德力故皆悉调伏。复有诸大彦达嚩众。或为歌舞或作唱妓。奏诸雅乐琴瑟鼓吹出妙音声。如是等大彦达嚩众。具大威德有大光明色相圆满。以是神呪威德力故。皆悉调伏。天帝释日月天子。地天水天火天风天。颇罗堕天子护世四天王。摩多里天子眼赤天子。雪山天子旃檀天子。商主天子么拈建婁天子。世间敬天子么怛隶唧怛啰(二合)泉曩天子。彦达嚩王[口\*尔]曩哩沙(二合)天子。五髻天子。覩母嚩天子。山王天子么泉天子。尾湿嚩(二合)弥怛嚩(二合)天子耶殊陀罗天子。针耳天子大口天子。妙口天子。如是等一切大威德天大力军众。及天龙彦达嚩阿苏啰药叉罗刹娑。或复疟病一日二日三日四日。若常热病。恒常恼害一切众生。起毒害心行不饶益者。诸药叉罗刹。皆为神呪羂索之所系缚牵之而来。一时合掌住立佛前。赞叹世尊而作是言。

稽首丈夫无所畏 稽首调御天人师  
不可思议大法王 是故我今归命礼

## 佛说守护大千国土经卷上

## 佛说守护大千国土经卷中

是时复有诸大药叉步多鬼神。皆具威德有大神力。以是因缘奔来集会。所谓四臂药叉大毒害药叉。多足药叉四足药叉。二足药叉一足药叉。一头多足药叉。仰足药叉悬头药叉。四头多眼药叉半身一目药叉。一十二腹药叉驴唇药叉。象头药叉半手药叉。倒面药叉铁牙药叉。铁臂药叉。铁足药叉。复有诸罗刹娑众。所谓铜发罗刹娑铜牙罗刹娑。铜眼罗刹娑铜手罗刹娑。身如铜棒罗刹娑铜鼻罗刹娑。悬头背面罗刹娑手足炎炽罗刹娑。诸根不具罗刹娑伛偻罗刹娑。金翅鸟形罗刹娑恶眼恶视罗刹娑。恶面罗刹娑摩竭鱼形罗刹娑。兽形罗刹娑丑陋罗刹娑。铍嘴罗刹娑长唇罗刹娑。偏牙罗刹娑毒害罗刹娑。常嘖眉面罗刹娑大腹罗刹娑。象耳罗刹娑眈耳罗刹娑。无耳罗刹娑长臂罗刹娑。长鼻罗刹娑长手罗刹娑。体干枯罗刹娑身长罗刹娑。发长罗刹娑长庄严罗刹娑。大足罗刹娑细颈罗刹娑。嗅气罗刹娑瓮腹罗刹娑。猴形罗刹娑鹅形罗刹娑。持杵罗刹娑腹如棒罗刹娑。竖眼罗刹娑大耳罗刹娑。发竖罗刹娑赤色罗刹娑。大头罗刹娑弓项罗刹娑。腹曲罗刹娑肌瘦罗刹娑。雨火罗刹娑须弥顶罗刹娑。如是等大罗刹娑皆具威德有大神力。以是因缘皆悉奔驰来集佛会。复有诸大矩畔拏众。所谓树形矩畔拏。山石矩畔拏。云雾形矩畔拏梵螺声矩畔拏。鼓音矩畔拏天音声矩畔拏。恶声震吼矩畔拏大项矩畔拏。驴声矩畔拏黑色矩畔拏。青色矩畔拏黄色矩畔拏。绿色矩畔拏碧色矩畔拏。针毛剑发矩畔拏。血污身矩畔拏。如是等诸矩畔拏。以是因缘皆悉奔驰来集佛会。是诸药叉罗刹及矩畔拏等。皆以血秽污染其身。齿如锋芒手执死尸走而食之。血污唇口身手俱赤。自擘其腹心肠皆出。现是恶状令人恐怖。或摘人足浑吞食之。手足黑色杀命无数。有大筋力其身骨锁。犹如铁索毒害炽盛。常怀恶心甚可怖畏。活剥人皮满中盛血。十方国土城邑聚落。处处门户而弃掷之。毒气流行作诸灾祸。种种疾疫伤害众生。毒风寒热一切灾变。处处流行周遍四方。是诸国土所有仁王。见是灾祸流行世间心生怖畏。以是神呪大陀罗尼而加持之如是魔王及其眷属。药叉罗刹步多鬼神。皆悉降伏自缚而来。即于佛前合掌赞叹作如是言。

稽首丈夫无所畏 稽首调御天人师  
不可思议大法王 是故我今归命礼

复有药叉罗刹矩畔拏。及彦达躡步多鬼神。游行世间国土城邑。王宫聚落村巷四衢。饮啖血肉吸人精气。或有大身具大威德富贵自在。十头千眼四臂多臂。猛恶毒害无能敌者甚可怖畏。百千眷属而为侍从。执蛇秉炬。或弓箭剑戟诸鬪战具或执金刚。现如是形令他恐怖。周游十方一切国土与诸药叉及罗

刹众更相鬪战。常随众生所在之处。吞啖于人新热血肉以充其食。亦以神通作诸变现。或作师子或现虎狼象马驼驴牛羊猪犬。或为野干熊罴獐鹿。或作异兽名啰驱迦闭。或变其形名钵啰(二合)契佉陵誡(二合)或现水族鼃鼃龟鳖。鰕蚬螺蚌龙鱼之类。复现孔雀鹦鹉白鹤。或复现为俱枳罗鸟。或复现为灵鹫鸟。或为鸠鸽鹅鸭鸳鸯。或为鸡鴈或现飞鸟身如金色。是诸药叉现种种形令人恐怖。于其中间互相憎嫉互相食啖。如是等众其心差别恒常裸形黑瘦顛頽耽着欲乐杀诸众生。出彼肠胃缠缚其身。或以铁叉撞刺令彼苦恼。出大恶声以适其意。随诸众生现种种相。或自执持刀轮剑戟。或有罗刹口牙锋利。或自出眼睛或无耳鼻。或无手足口如牛口。知诸众生生处住处及所行处或变其身令极微细于口鼻中及毛孔肢节一切身分吸人精气如是药叉罗刹步多鬼神百千万众。于诸世间无能制者。以是神呪威德力故自缚而来。即于佛前合掌恭敬以偈赞曰。

稽首丈夫无所畏 稽首调御天人师  
不可思议大法王 是故我今归命礼

复有妙高山王轮围山王。鹫峯山王伊沙驮啰山王。雪山王香醉山王。半拏啰山王尾唧 怛啰(二合)山王。宝峯山王曩啰那山王。持双山王吉祥山王高顶山王。如是等诸大山王。皆悉来集彼诸山处。一切诸天而来游戏。五通神仙之所依止修行苦行。

复有百千万亿天子。与百千万亿天女眷属俱。毘摩质多罗阿修罗王。罗睺阿修罗王。钵啰(二合)贺啰(二合)那阿修罗王。如是等百千万亿阿修罗王。与若干阿修罗女眷属俱。复有诸大龙王。摩那斯龙王无热恼池龙王。难陀跋难陀龙王善眼龙王。金刚慧龙王菟伽龙王。信度龙王娑竭罗龙王。如是等百千万亿诸大龙王。与若干龙女眷属俱。复有百千万亿迦楼罗王。亦与百千万亿迦楼罗女眷属俱。复有诸药叉将名字所谓。

金花药叉神 住于巛驮国  
鼻色迦药叉 摩竭陀国住  
迦卑梨药叉 婆嚧迦砌神  
此二大药叉 俱舍罗国住  
钵啰奔拏迦 娑酰城中住  
针毛药叉神 住于末利国  
耶输陀药叉 及以鼻沙拏  
此二大药叉 钵左利国住

眼赤大药叉 阿湿缚尔国  
冰誡罗药叉 住阿钵底国  
迦卑罗药叉 吠祢势国住  
瓮腹药叉神 住在末蹉国  
清净大药叉 在于瑜罗国  
能破他药叉 彦驮罗国住  
素哩弭怛啰 住于剑母国

复有一十六大药叉将。有大威德皆具光明。所谓执金刚药叉而为上首。谓法护药叉奔拏罗药叉。迦卑罗药叉妙见药叉。尾瑟[口\*女](二合)药叉宾努药叉。迦罗输那药叉矩婆药叉。真实药叉半支喻药叉。魔酰首罗药叉能破坏药叉。输啰娑努药叉焰魔药叉。及焰魔使者大药叉等。大威德大力军众。与俱胝大药叉俱共围遶。复有诸药叉女及大罗刹女。诃利帝母而为上首。彼诃利帝名称远闻。具大威德现可畏形。与五百子而自围遶。所谓阿俱咤罗刹女迦利迦啰罗刹女。胝迦利罗刹女钵捺么(二合)罗刹女。花主罗刹女花齿罗刹女。广目罗刹女驴耳罗刹女。赞那努罗刹女尾瑟[口\*女](二合)罗刹女。诃利罗刹女迦閼罗罗刹女。冰誡罗罗刹女象形色罗刹女。龙齿罗刹女峯牙罗刹女。恶牙罗刹女贺罗罗刹女。阿贺罗罗刹女贤牙罗刹女。如是等诸罗刹女皆具威德。有大光明现可畏形。各持战具十方驰走。食啖于人及诸生命。其所行处地皆摇动。园林枯死草木干焦。一切山岳悉皆摧毁。以是神呪威德力故自缚而来。即于佛前以偈赞曰。

稽首丈夫无所畏 稽首调御天人师  
不可思议大法王 是故我今归命礼

是时毘沙门天王前白佛言。世尊我于北方建立一城名阿拏迦嚩底。彼阿拏迦嚩底城。一切天众于彼而住。其城高广面百由旬。众宝间错以为庄严。有大药叉手持金刚。住于四方而为守护。我彼大城如是建立。其城四门第一纯以黄金所成。其第二门众宝合成。其第三门纯颇胝迦。其第四门摩尼之宝。复以众宝而严饰之。于其城中处处。皆有园林花果种种宫殿。种种妙宝以为庄严。复有种种宝树行列。亦有种种杂色之鸟。飞翔其上。或坐宝树以为庄严。有种种香种种涂香。诸药叉女周匝围遶作倡妓乐。我彼国界。庄严如是富贵自在。彼步多众受胜妙乐。我及使者奉持正法。信受爱乐不杀生命。以不杀故药叉罗刹诸步多众不得饮食。无饮食故心生热恼。以热恼故舍离正法。杀诸生命恼乱众生。以是因缘我于十方周遍巡行。所到国城四方门户观彼住处或住园林或居道路一切住处。药叉罗刹步多鬼神百千万亿。悉以神呪

威德力故。令彼自缚皆来至此。我于彼城有旃檀林及清凉池。我及眷属于彼游戏。我处其中名为法王以法治世。于其中间复有种种众宝楼阁。第一黄金第二白银。第三吠琉璃第四颇胝迦。第五妙真珠宝第六白玉。第七马瑙第八七宝合成。一一楼阁有百千万宝女而住其中。彼诸宝女妙色端正。工巧技艺歌唱鼓吹无能及者。有如是等种种功德。复以天诸妙宝及无价衣。庄严其身作众妓乐。是故我常耽着欲乐及以饮食。如彼醉人不能惺悟。是故诸药叉及罗刹众步多鬼神。走趣十方作诸怖畏。若男若女在母胎中令胎伤损。并及畜生亦复如是。为求饮食杀诸生命。乃至苗稼及以花果。一切种子诸药草木。为彼药叉夺其滋味令其减少。复有执曜及诸星宿。起毒害心照临一切。使诸众生不恒祸福。为烦恼因更相鬪诤。更相欺调更相杀害。水火盗贼枷锁系闭。作诸执魅恼乱众生。如是种种诸恶不祥。皆为执曜及诸星宿之所变怪。或复令人多诸疾病。羸瘦缠痾呻吟终日。身体干枯喘息微细。或复令人受诸惊怖。或作恶梦梦中恐惧。或于梦中造众恶业。或在梦中受诸苦恼逼迫之事。或居门户作弹指声。如是等比皆为一切步多鬼神所作之事。为欲吞啖诸众生故。或为朋友骨肉亲戚。或现居家仆从士女。工巧技艺端正殊妙。欲使其人心生爱乐。或复现作彗孛妖星。或为旋风夜变鬼火。或作虎狼或为豺狗。常怀毒害恐怖于人。或依树林或居塔庙。或在平地或处高原。或为天童以魅于人。或于暑月化清凉车出种种声。或为画像或现舍宅。或在道路现作城邑令人爱乐。皆为执曜药叉罗刹步多鬼神作诸魅事。执人身命常令惊怖。种种色相种种音声。种种病苦种种痛恼。乃至梦想种种颠倒。如是等比随意自在。能变世间一切色相彼诸药叉罗刹步多鬼神及诸执曜。皆以神呪威德力故自缚而来。是时毘沙门天王起立合掌。即于佛前以偈赞曰。

如来轮跏坐 犹如真金柱  
光明照世间 福智大牟尼

说是偈已北方有六万四千药叉众。皆为毘沙门天王之所谪罚。令于佛前受持神呪。即说呪曰。

曩莫三满跢没驮南(引)唵(引)佉契(引)譏哩陞(引)尾作讵洒(二合)掘(引)作 讵啰(二合)啰(引)惹儂(引)赞捺哩(二合引)播(引)多(引)礼(引)鼻(引)么跛哩嚩(二合)帝(引)佉  
啰仡哩(二合引)俱胝迦啰(引)仡哩(二合引)噎迦(引)乞叉(二合)末陵譏(二合)嚩底娑  
(引)[口\*朗](啰江切)譏嚩帝(引)啣怛啰(二合)建底娑嚩(二合)萨怛野(三合)率覩(二  
合)么么阿酰谤(引)萨波哩嚩(引)嚩萨嚩萨怛嚩(二合引)难(引)左萨嚩婆喻(引)波  
捺啰(二合)吠(引)毘药(二合)娑嚩(二合)贺(引)没啰(二合)憾么(二合引)左(引)比野(二  
合)他烁讵啰(二合)室左(二合)路(引)迦播(引)擻(引)么酰(引)啰(引)药乞叉(二合)泉曩

(引)钵多野萨嚩(二合)贺(引)利(引)帝(引)左娑补怛哩(二合)迦(引)伊[牟\*舍](引)补瑟  
谤(二合引)室左(二合)献邓(引)钵啰(二合)底佉哩(二合)恨难(二合)多么么(引)昏顶尾  
(引)哩曳(二合引)拏帝(引)惹娑(引)帝(引)洒(引)每(引)湿嚩(二合)哩曳(二合)拏末礼  
(引)曩左儂贺多(引)萨嚩嚩(引)譏(引)室左(二合)娑嚩(二合)悉底野(三合)宰覩(二合)  
么么阿酰谤(引)飒波哩嚩(引)嚩萨嚩萨 怛嚩(二合引)难(引)左萨嚩婆喻(引)跋捺啰  
(二合)吠(引)毘药(二合)娑嚩(二合引)贺(引)

稽首丈夫无所畏 稽首调御天人师  
不可思议大法王 是故我今归命礼

时持国天王起立合掌。面貌熙怡如花开敷。恭敬尊重出妙音声。如孔雀音迦  
陵频伽俱枳罗等。妙云天鼓微妙之声。白佛言世尊。我于东方有六万四千彦  
达嚩罗刹娑众。恼乱世间一切众生。我今谪罚令于佛前受持神呪。即说呪  
曰。

曩莫三满跢没驮南(引)驮啰拏驮(引)啰拏尾特网(二合)蹉儂畔惹儂钵啰(二合)畔若  
儂尾驮么儂经(经孕切)布嚩晒(引)烁迦礼舍(引)啰底戍攞驮哩(引)秫驮左啰拏(引)  
躯(引)沙嚩帝(引)娑(引)啰(引)佉哩(二合引)扇(引)底娑嚩(二合)悉底野(三合)宰覩(二  
合)布哩罔(二合引)祢尸娑嚩(二合引)贺(引)没啰(二合)憾么(二合引)左(引)比野(二合)  
他烁讫啰(二合)室左(二合)路(引)迦播(引)攞(引)么酰湿嚩(二合)啰(引)药乞叉(二合)  
泉曩钵多野萨吠(引)贺(引)哩(引)帝(引)左三补怛哩(二合)迦(引)伊[牟\*舍](引)补瑟  
波(二合)室左(二合)嚩邓(引)室左(二合)钵啰(二合)底佉哩(二合)恨拏(二合)底么么  
(引)昏帝尾(引)哩曳(二合)拏帝惹娑(引)帝(引)沙(引)每(引)湿嚩(二合引)哩曳(二合)拏  
末礼(引)曩左儂贺多(引)萨嚩嚩(引)譏(引)室左(二合)娑嚩(二合)悉底也(三合)宰覩  
(二合)么么阿酰谤(引)飒跋哩嚩(引)嚩萨嚩萨 怛嚩(二合引)难左萨嚩婆喻(引)跋捺  
啰(二合)吠(引)毘药(二合)娑嚩(二合引)贺(引)

稽首丈夫无所畏 稽首调御天人师  
不可思议大法王 是故我今归命礼

时增长天王即从坐起合掌恭敬白佛言世尊。我今为欲利益一切有情故。破一  
切见一切异论。断一切疑一切世间。作障难者尾那夜迦。及我南方六万四千  
矩畔拏众。及钵哩(二合)多布单那等。常于世间起毒害心恼乱众生。我今谪罚  
令于佛前。受持神呪即说呪曰。

曩莫三满跢没驮(引)南(引)唵(引)娑(引)啰底剑(引)底迦(引)啰枳剑迦泉枳啰拏末拏  
驮啰拏末哩驮(二合)儂普(引)弥驮罗儂酰么嚩底[口\*祖](仁祖切引)底左啰拏譏攞

(引) 佉哩(二合)娑嚩(二合)悉底也(三合)窣覩(二合)么么阿酰谤(引)飒跛哩嚩(引)啰写萨嚩萨怛嚩(二合)难(引)左诺乞史(二合)赧(引)演左娑嚩(二合)贺(引)没啰(二合)憾么(二合)左(引)比野(二合)陀烁讫啰(二合)室左(二合)路(引)迦播擢么酰湿嚩(二合)啰(引)药乞叉(二合)地钵多野萨吠(引)贺(引)哩(引)帝左娑补怛哩(二合)迦(引)伊[牟\*含](引)补瑟谤(二合)室左(二合)嚩驮(引)室左(二合)钵啰(二合)底佉哩(二合)恨赧(二合)覩么么(引)昏顶尾(引)哩曳(二合)拏帝(引)惹娑(引)帝(引)爽(引)每(引)湿嚩(二合)哩曳(二合)拏末礼(引)曩左儂贺多(引)萨嚩嚩(引)誡窣覩(二合)么么阿酰谤(引)飒跛哩嚩(引)啰写萨嚩萨怛嚩(二合)难(引)左萨嚩婆喻(引)跛捺啰(二合)吠毘药(二合)娑嚩(二合)贺(引)

稽首丈夫无所畏 稽首调御天人师  
不可思议大法王 是故我今归命礼

时广目天王从坐而起。合掌恭敬白佛言。世尊我于西方有六万四千大龙王众。常起大云与大海众持于大水。现大勇猛作大鬪战。常于世间恼乱众生。我今谪罚令于佛前。受持神呪即说呪曰。

曩莫三满路没驮(引)南(引)唵(引)达哩铭(二合)左啰(引)佉哩(二合)末擢嚩底末礼儂祢商倪(引)尾嚩尸娑哩(引)佉哩劫闭礼(引)赞拏(引)隶底哩拏儂啰(引)惹儂(引)尾驮啰拏嚩擢拏(二合)嚩底阿左梨娑嚩(二合)悉底野(三合)窣覩(二合)么么阿酰谤(引)飒波哩嚩(引)啰写萨嚩萨怛嚩(二合)难左钵室止(二合)么(引)焰(引)祢尸娑嚩(二合)贺(引)没驮(引)左(引)比也(二合)他烁讫啰(二合)室左(二合)路(引)迦播擢么咽湿嚩(二合)啰药乞叉(二合)地钵多野萨嚩贺(引)哩(引)帝(引)左娑补怛哩(二合)迦(引)伊[牟\*含](引)补瑟谤(二合)室左(二合)嚩驮(引)湿嚩(二合)钵啰(二合)恨赧(二合)覩么么(引)昏顶尾(引)哩曳(二合)拏帝惹娑(引)帝(引)沙(引)每(引)湿嚩(二合)哩曳(二合)拏末礼(引)曩左儂贺多(引)萨嚩嚩(引)室左(二合)娑嚩(二合)悉底野(三合)窣覩么么阿酰谤(引)飒波哩嚩(引)啰写萨嚩萨怛嚩(二合)难左萨嚩婆喻(引)跛捺啰(二合)吠毘药(二合)娑嚩(二合)贺(引)

稽首丈夫无所畏 稽首调御天人师  
不可思议大法王 是故我今归命礼

时大梵天王诸梵天王等。即从坐起合掌恭敬。白佛言世尊。我诸梵种净行婆罗门等。能知清净婆罗门。种种法要工巧呪术。医方世论占相吉凶。善闲世间一切行法。灰身寂默修诸苦行。常于人世利益众生。为诸药叉及罗刹众。住于世间空行地居及住地下。恼乱众生作诸执魅。我有神呪而谪罚之。令于佛前受持神呪。即说呪曰。

曩莫三满跢没驮(引)南(引)唵(引)没啰(二合)憾铭(二合引)没啰(二合)憾么(二合)躯晒(引)没啰(二合)憾么(二合)娑嚩(二合)哩(引)嚩日哩(二合引)嚩日啰(二合引)躯晒(引)嚩日啰(二合)驮哩(引)悉体(二合)哩(引)娑哩(引)阿左礼(引)阿啰拏(引)伊舍拏(引)啰拏祢(引)戍(引)哩(引)嚩啰(引)佉啰(二合)钵啰(二合)钵帝(二合引)娑(引)啰嚩帝娑嚩(二合)悉底野(三合)窣覩(二合)么么阿酰谤(引)飒波哩嚩(引)啰写萨嚩萨怛嚩(二合引)难左萨嚩婆喻(引)跋捺啰(二合)吠毘药(二合)娑嚩(二合引)贺(引)嚩(引)多惹闭多惹嚩(引)誡(引)室礼(二合引)瑟么(二合)惹散儂播多惹儂贺多萨嚩嚩(引)誡(引)室左(二合)娑嚩(二合)悉底野(三合)窣覩(二合)么么萨嚩萨怛嚩(二合引)难左萨嚩婆喻(引)跋捺啰(二合)吠(引)毘药(二合)娑嚩(二合引)贺(引)

是时世尊告诸大众而作是言。如来为欲利益安乐无量无数无边众生故出现于世。及为救护一切国土城邑聚落无量众生故出现于世。亦为愍念一切诸天魔梵沙门婆罗门及天人阿修罗等。是故如来出现于世。譬如世间良医。善治众生种种病恼。亦如世间有阿闍梨。智能方便无不具足。悉能化导利益安乐王及人民。如来今者出现于世亦复如是。我住世间云何为彼药叉罗刹步多鬼神。恼害惑乱一切众生故。我今往诣毘耶离大城。为欲利益救护此毘耶离大城一切众生故而作佛事。说是语已。是时世尊食时着衣持钵。与大苾刍众千二百五十人俱下鹫峯山。时索诃世界主大梵天王众。以五百宝盖及以宝拂。执持围遶侍奉供养随佛而行。天帝释众亦以五百宝盖及以宝拂。执持围遶侍奉供养随佛而行。护世四王众各以五百宝盖及以宝拂。执持围遶侍奉供养随佛而行。魔酰首罗天子与二十八大力药叉将。并三十二大力药叉众。诃利帝母并其子及眷属。如是等众各各以百天妙宝盖。执持围遶侍奉供养随佛而行。舍利弗等诸声闻众。各各亦以天妙宝盖。执持围遶侍奉供养随佛而行。于时世尊具足如是胜妙色相福德之利。与诸苾刍从鹫峯山。诣离车尾国毘耶离大城遥望彼城。于其城中王及人民。同见世尊威德巍巍端严殊特。最胜平等具足根力。调伏诸根犹如大龙。其心清净湛然不动。以三十二大丈夫相八十种好。庄严其身如娑罗王。譬如杲日放光明网。亦如夜暗于大高峯现大明炬。如大火聚如铸金像。如来威德亦复如是。彼诸人等遥见世尊。心皆欢喜忆念思惟。即共发心出毘耶离大城。奉迎世尊入彼城中。时毘耶离大城。道路平正扫除清净。出种种花遍布其地建立种种诸妙宝幢悬众幡盖。涂香秣香而为供养。世尊到已王及人民顶礼佛足世尊为欲利益一切众生故。即现足下胜妙柔软。千辐轮相及莲华文。而复现于毘首劫摩藏文。以如是等过去积集。无量无边诸善功德。殊妙色相庄严其身。放大光明其光晃曜。逾百千日周遍普照。以清净臂与彼离车尾国毘耶离大城王。而摩其顶安慰其心。是时世尊于毘耶离大城之中。如帝释幢安详而立。观察四方偏袒右肩。舒金色臂而作是

言。未来世中若复有人。供养如来分身舍利如芥子许。所获功德无量无边。不可思议不可穷尽。未来世中若复有人。供养如是守护大千国土大明王甚深经典者。即同供养一切如来全身舍利等无有异。是诸人等即能远离一切执魅。此守护大千国土大明王神呪经典。即是恒河沙等如来应正等觉佛之密印。若苾刍苾刍尼优婆塞优婆夷。受持读诵恭敬供养为人解说。彼诸怖畏一切灾难。鬪战争讼更相诽谤。桎械枷锁种种恶法。不善之业诸恶不祥。永不复受亦不值遇。

是时世尊说是语已。索诃世界主大梵天王。白佛言世尊此守护大千国土大明王神呪经典。为恒河沙数如来应正等觉佛之密印。能令解脱一切众生诸恶不祥。惟愿世尊为我说之。

是时世尊语索诃世界主大梵天王言。梵王汝今谛听善思念之。即说大明王陀罗尼曰。

曩莫三满跢没驮(引)南(引)唵(引)阿左礼(引)么左礼(引)娑(引)啰么左礼(引)钵啰(二合)訖哩(二合)底儼哩(二合)使三满目契(引)悉弟(二合)哩(引)娑他(二合)嚩哩(引)儼哩(二合)瑟致(二合)摄勿祢(二合)钵啰(二合)誑囉儼(引)播(引)[口\*朗]誑弥娑[口\*朗]嚩拏末礼(引)摩贺(引)末礼(引)摩贺(引)儼哩婆(二合)细(引)娑嚩(二合)贺(引)

是时世尊即现其身作大明王。说此大明王陀罗尼已而作是言。大梵此大明王身者。从如来方便功德智能生。从奢摩他微钵舍那三三摩地。四禅四圣谛及四念处。四正勤四神足五根五力。七等觉支八圣道支及九次第定。如来十力十一解脱处。十二因缘十二行轮。六念处十六念佛三昧观行。十八佛不共法四十二字门生。佛告大梵如是法门者。皆为如来功德守护大千国土大明王解脱法门也。如是法门者即为恒河沙等诸佛如来佛之密印。能出生一切诸佛一切法藏。出生真实道出生十二缘生。出生梵天王天帝释护世四天王。出生摩醯首罗。出生日月天子九执十二宫辰一切星宿。

是时世尊复说大明王心陀罗尼曰。

曩莫三满跢没驮(引)南(引)唵(引)娑(引)丽(引)迦臬儼尾嚩啰拏嚩啰(引)訖哩(二合)娑(引)哩(引)阿目(引)乞叉(二合)拏(引)阿目(引)洗嚩[宁\*页](引)迦(引)礼曩迦(引)丽(引)剑(引)尸嚩儼(引)娑(引)啰拏(引)婆啰迦娑契(引)钵啰(二合)散曩钵啰(二合)钵帝(二合)娑(引)誑囉钵啰(二合)钵帝(二合)娑担(二合)婆儼(引)婆多(二合)曩钵啰(二合)钵帝(二合)嚩日啰(二合)驮哩(引)娑嚩(二合)贺(引)

是时世尊为梵天王及诸大众。说此大明王心陀罗尼已。于时复说此伽他曰。

我今为此天人众 演说如是深妙法  
犹如帝释髻中宝 于一切处当得胜  
十方如来悉证知 超过一切天中天  
是故法宝无有上 斯真实故得安乐  
忍辱消除诸烦恼 如人饮服甘露味  
能仁演斯微妙法 利益一切诸众生  
此法甚深无与等 行甘露行殄灾厄  
如是法宝最殊胜 是真实故得安乐  
利益一切诸众生 为说种种甘露法  
如彼三世薄伽梵 最胜平等三摩地  
常行无上瑜伽行 现于金刚等二道  
如是法宝最第一 斯真实故得安乐  
补持伽罗相应行 八大丈夫常修行  
或时演说四意趣 及诸如来解脱门  
我说法施大果报 如彼好地植种子  
是故僧田最无上 斯真实故得安乐  
为求无上菩提故 其心坚固不退转  
出家奉持沙门行 阐扬如来微妙法  
令众获得甘露味 自他速登涅槃道  
是故僧宝最第一 斯真实故得安乐  
贪瞋痴等皆已尽 犹如劫烧无有余  
身见边见及邪见 见取戒取悉消亡  
或以种种诸方便 彼同凡类化众生  
僧宝最上最第一 是真实故得安乐  
贪欲瞋恚不复生 乃至痴慢皆同等  
身语意业悉清净 能除群生诸有苦  
了彼罪性如虚空 湛然清净非取舍  
是故僧宝最第一 斯真实故得安乐  
其心坚固无动转 如彼因陀罗宝幢  
四方种种大风吹 终不能令彼摇动  
补特伽罗亦如是 现诸神通化群品  
僧宝最上第一最 斯真实故得安乐  
或有能于四圣谛 观察甚深微妙理



示菩提相演一乘法。指入圣路开解脱门。断诸见网摧我慢山清净业道。息轮回苦竭爱欲海。破壊众生生死骨山。断截魔王魔罗罽索。怖彼魔王及魔眷属。破坏魔王入魔境界。破烦恼贼拔出众生令归圣道。于诸恶道救度有情。出烦恼室安住众生至涅槃城。即说陀罗尼曰。

曩莫三满跢没驮南(引)唵(引)康拟(引)康拟(引)龠数(引)奥数(引)驮[宁\*页](引)娑(引)啰地钵啰(二合)鼻(引)尾布囉钵啰(二合)鼻(引)祢(引)僧揭哩洒(二合)拈尾揭哩洒(二合)拈尾舍(引)佉啰(二合)嚩底戍驮娑(引)驮[宁\*页](引)嚩嚩拏嚩帝(引)嚩(引)娑儂(引)尾步沙拈尾爽誡铭(引)尾戍么底补瑟波(二合)誡哩鼻(二合引)娑嚩悉底也(三合)野宰覩(二合)娑嚩(二合)贺(引)

佛告大梵天王。此经名守护大千国土大明王解脱法门。为恒河沙等诸佛如来应正等觉佛之密印。此印印之一切诸天阿修罗所归依处。亦为恒河沙等诸佛如来。及辟支佛诸声闻众涅槃之城。乃至过去诸佛及辟支佛诸声闻众。以是经典而为父母。旋遶礼拜恭敬供养。大梵天王我于往昔。以此大明王解脱法门。布施持戒忍辱精进。乃至圆满诸波罗密。今得菩提降伏魔军。

## 佛说守护大千国土经卷中

## 佛说守护大千国土经卷下

西天北印度乌填曩国帝释宫寺传法大师三藏沙门赐紫臣施护奉 诏译

是时索诃世界主大梵天王。及天帝释护世四大天王。即起礼佛同声白言。世尊惟愿以此守护大千国土大明王威神之力。护持我等各并眷属及余一切诸众生类令得安乐。以是密印印于四方。及以密印印彼一切药叉罗刹步多鬼神令彼调顺。其中若有起毒害心行不饶益者。以是大明王陀罗尼。而为谪罚使令调顺。此大明王甚深经典佛之密印。我今顶受不敢违越。

是时世尊以是密印而印持之。即说大明王陀罗尼曰。

曩莫三满跢没驮(引)南(引)唵(引)迦陵拟(引)娑啰祢(引)惹那佉哩(二合)惹么帝(引)星贺么祢(引)娑誡嚩(引)佉啰(二合)钵啰(二合)钵帝(二合引)卑娑誡(引)弥[宁\*页](引)么梨[宁\*页]虎嚩氷誡梨铭贺恒贺恒贺恒贺恒素那[宁\*页]嚩啰(引)佉啰(二合)嚩底贺悉底(二合)[宁\*页](引)嚩啰嚩底赞拏(引)梨嚩啰顛(引)儂曳(二合)左左啰(引)左哩(引)娑嚩(二合引)贺(引)

是时世尊复说此守护大千国土大明王陀罗尼时。三千大千世界六种震动。四方四隅所有一切药叉罗刹步多鬼神。出大音声其声可怖。而作是言苦哉苦哉。云何今日有是灾难。如我等众今见破坏皆悉殒灭。作是语已心怀愁恼。是时世尊变化大地为金刚宝。彼诸药叉罗刹步多鬼神。即坐于彼金刚之地。以佛神通威德力故皆悉倒地。诸药叉罗刹步多鬼神。恐怖转增四散驰走。时护世四大天王。即变四方周匝火焰。炎热炽盛无有去路。彼诸药叉罗刹步多鬼神见是事已。展转惶怖走向虚空。是时索诃世界主大梵天王承佛威神。于虚空中现大铁盖。高七多罗树周遍普覆。彼诸药叉罗刹步多鬼神。徘徊空中终不能脱。是时帝释天主于虚空中。即现山石剑戟弓箭枪稍。及以树木如雨而下。即于是时此索诃世界中。复有五千大药叉。以是大明王陀罗尼威神之力自缚而来皆集佛会。心怀恐怖身体战栗犹如疟病。顶礼佛足在一面住。合掌向佛而作是言。大沙门憍答摩。常以大悲拯接群品。利乐救护一切众生。大沙门憍答摩。我今怖惧无能救济。惟愿大悲救护我等令免斯苦。

尔时世尊语诸大药叉罗刹步多鬼神等言。汝等当知从今已去奉持我法。受持戒行不得违越。汝等若有不顺我语者。如杀父母杀阿罗汉破和合僧出佛身血亦复如是。若诸药叉等违我法印不顺我呪者。为大明王弃掷于地。头破七分身体骨肉悉皆碎坏。若复药叉得种种病身生斑黑。不能飞空常堕于地。汝今当知若有此守护大千国土大明王经所在之处。不得违越自恣其意。当顺佛语令汝安乐。时彼诸药叉罗刹步多鬼神人及非人。奉佛教勅各还本处。毘耶离大城王及人民。悉得免离一切灾难。彼毘耶离大城一切飞鸟鹦鹉舍利。及俱枳罗鸳鸯孔雀。有如是等众鸟和鸣。出妙音声皆作是言。如来大悲演斯妙法。利益安乐一切众生。我等今者不为药叉及罗刹娑步多鬼神之所杀害免是灾难。我今自命无所怖惧。于时复有无数诸天女诸紧那罗女。各各执持自然珍宝众妙乐器而供养佛。于虚空中复有种种天诸乐器箫笛箜篌琴瑟鼓吹。如是天乐不鼓自鸣而供养佛。复有诸树所谓吉祥果树阿摩罗果树。尼俱律陀树波罗利树。如是等种种诸树。皆悉自然出众妙香。复有百千天众。于虚空中恭敬礼拜。同声赞言善哉善哉。我等今者获大胜利。散种种花烧种种香而供养佛。人及非人亦以花香而供养佛。是时四大天王同时合掌。而白佛言世尊。云何以此大明王经典佛之密印。守护一切国土城邑聚落。令得远离诸不吉祥执魅之事。佛告四大天王。若诸比丘清净严洁。依法受持读诵书写供养。如是人等所有一切怖畏一切怨家。一切鬪战枷锁禁系。更相杀害更相是非。种种灾难不善之业永不复受。若国土城邑聚落。为彼药叉罗刹步多鬼神所恼乱者。或于王宫或僧伽蓝。或居聚落或居庄园。建曼拏罗结其地界清净严洁。当净沐浴身着白衣食三白食。令诸人民不食五辛受持禁戒。于诸众生

起平等心怜愍心。烧种种香涂香秣香。散诸杂花而为供养。令诸童女清净沐浴。着新洁衣种种严饰。手执四铃持四宝椀。椀中满盛供养饮食。取平旦时诵此大明王陀罗尼。加持白线满六十两。即以神线挂在塔顶。或安表刹或挂大树。从月一日至十五日。读诵此守护大千国土大明王陀罗尼经。种种花香而为供养。如是国土王宫。乃至娑罗林中青牛栏中。及余畜类所居之处。扫除清净严饰门户。周遍皆以香水散洒。复以种种烧香熏之。掘地作炉安佉祢啰木烧为护摩。散诸杂花一切种子及白芥子。掷散四方及掷火中。以种种色自染其线。系门户上令线下垂。出入往还悉令安乐。乃至畜生亦复如是。又以此经书写受持读诵供养。于高显处而安置之。使其国土一切人民皆获安乐。若有病者当以此经置其人前。种种供养皆得安乐。佛告四大天王。若为国土建曼拏罗。当安佛像结跏趺坐。以是密印安置其中。及梵天王天帝释护世四王。如是等像各以密印安置其中。及安魔酰首罗大药叉将诃利帝母。香花饮食种种供养。即作是言我等今者敬奉三宝。惟愿大梵天王天帝释护世四大天王。及魔酰首罗大力大药叉将。并一切大威德药叉等。诃利帝母并其子及眷属。以如是等大威德大力诸天。大誓愿力故护持国界。使我国土王及人民各并眷属。皆得解脱一切灾难令得安乐。一切病者诸病痛恼。令其饮食悉变妙药。彼若食服病得除愈。发是愿已即于佛像前梵王帝释一一像前。以四净器上妙饮食。自手捧持承事供养。读诵如是守护大千国土大明王经。及念此大明王陀罗尼。以是经典威神力故。令其饮食悉如妙药。令其诸药以真实故成甘露味。即作是言诃利帝母大天身受我供养。守护我等令得安乐。如来大悲施我法药甘露妙味。令诸众生病得除愈无饥渴想。微钵尸如来威神力除毒。尸弃如来神通力除毒。毘舍浮如来实语力除毒。揭句村那如来禅定力除毒。揭诺迦牟尼如来智能力除毒。迦叶波如来变化力除毒。我释迦牟尼如来精进力除毒。如是等诸佛如来实语力。能变一切诸毒令如甘露。能除众生种种疾病。令诸众生获得上味永离饥渴。即使病人面东而坐。其持明者受与彼药在于掌中。念此陀罗尼而加持之。是时世尊即说陀罗尼曰。

曩莫三满跢没驮(引)南(引)唵(引)佉咤尾佉咤佉胝尾左丽(引)尾览铭(引)左丽(引)左罗嚩帝(引)赞捺哩(二合引)左啰拏(引)阿没哩(二合)多[宁\*页]哩龝(二合引)晒娑嚩(二合引)贺(引)

佛告四大天王。以此陀罗尼威神功德加持力故。寒热风等一切疾疫悉皆除愈。令我某甲并诸眷属一切众生皆得安乐。若复有人以恶业故为鬼所持。作诸鬼病乃至一切恶疮脓血者。当为彼人建立道场置护摩炉。种种严饰烧众名香散诸杂花。令其病人若男若女。清净沐浴着新洁衣。日夜不眠对持明者炉

两边立。以佉祢木及以枣木以为护摩。及诸种子散掷四方及掷火中。复以种种杂色神线。系于抢剑弓箭之上。以此大明王陀罗尼。而加持之安于坛内。亦以种种苗稼花果之根掷彼火中。亦以香水散洒火中。想彼恶鬼以神线缚。以剑截线想为恶鬼。令线极碎掷入火中。当欲掷时而作是言。我今以此读诵受持是守护大千国土大明王经佛之密印威神之力。诸佛威力菩萨摩訶萨力。辟支佛力阿罗汉力。大梵天王及天帝释护世四大天王魔酰首罗大力药叉将及余一切大力药叉诃利帝母并其子及眷属如是不可思议威神之力。以我释迦牟尼无量精进大誓愿力。截断于彼宿世怨结鬼神之业。令汝解脱得安隐乐。作是语已即以利剑。碎截其线掷于火中。所有鬼病悉皆除愈。譬如金刚宝破恶坚贞。如火烧薪如日干水如风吹云。如来实语能灭世间种种恶业。使诸鬼病速得除灭。即以种种涂香秣香种种幡盖而为供养。是时世尊即说陀罗尼曰。

曩莫三满跢没驮(引)南(引)唵(引)迦佉黎佉啰黎祖(仁祖切)贺尾(二合)[宁\*页]惹嚩  
丽(引)譏啰譏贺哩拈设(引)嚩哩扇(引)底钵啰(二合)扇(引)底娑嚩(二合引)贺(引)驮  
(引)嚩底娑嚩(二合引)贺(引)那譏(引)左哩际(二合引)娑嚩(二合引)贺(引)颇楞譏帝  
(引)娑嚩(二合引)贺(引)萨嚩迦(引)嚩(引)哩那(二合)妻(引)那[宁\*页]娑嚩(二合引)贺  
(引)萨嚩迦(引)嚩(引)哩那(二合)地多(引)闹(引)沙地满怛啰(二合)尾洒喻譏萨嚩祢  
(引)嚩带砌(引)祢多(引)末哩祢(二合)多(引)[口\*尔](仁际切)多(引)阿波啰(引)[口\*  
尔]多(引)娑嚩(二合引)贺(引)

复次四大天王。若复有人为毒所中。及以一切痔漏痈疽诸恶重病。我有陀罗尼能令诸毒悉皆除灭。种种恶疮及诸重病皆得除愈。令其病人清净沐浴。着新洁衣严饰其身。令念诵者处于高座。诵此陀罗尼而加持之令得安乐。以诸如来无量无边大慈大悲力除毒。菩萨摩訶萨威德力除毒。辟支佛神通力除毒。声闻受持一切神呪精进力除毒。舍利弗智能力除毒。目干连神通力除毒。阿那律天眼力除毒。大迦叶头陀行力除毒。憍陈如最初得道力除毒。阿难多闻慈力除毒。大梵天王及天帝释富乐自在力除毒。四大天王守护国界力除毒。魔酰首罗大药叉将威猛力除毒。诃利帝母并其子及眷属精进威德力除毒。以如是等诸佛如来及诸圣众不可思议大威神力。摄伏彼毒令如甘露。诸毒害心行不饶益者。不敢违越皆起慈心。护持国界令得安乐。是时世尊即说陀罗尼曰。

曩莫三满跢(引)没驮(引)南(引)唵(引)贺哩计(引)尸[宁\*页]枳礼噎酰哩(引)阿哩(引)  
半拏哩(引)揭咤计计(引)瑜哩(引)贺细贺细贺细佉嚩细么嚩譏贺[宁\*页](引)娑嚩  
(二合引)贺(引)娑目契(引)娑嚩(二合引)贺(引)酰礼(引)娑嚩(二合引)贺(引)弭礼娑嚩  
(二合引)贺(引)

佛告四大天王。以是陀罗尼加持力故。一切诸毒悉皆除灭。及诸毒种丁疮漏疮水肿疥癩。及有恶疮硬如铁石。如是七种极毒恶疮。受持此呪亦得除愈。

贪欲瞋恚痴 是世间三毒  
诸佛皆远离 实语毒消除  
贪欲瞋恚痴 是世间三毒  
达摩皆远离 实语毒消除  
贪欲瞋恚痴 是世间三毒  
僧伽皆远离 实语毒消除  
地为诸毒父 地为诸毒母  
是以诚实言 令毒悉消灭  
所有种种毒 咸令却归地  
我等并眷属 日夜常安乐

是时世尊即说陀罗尼曰。

曩莫三满跢没驮(引)南(引)唵(引)布攞拏(二合)播 (引)怛哩(二合引)尾洒焰烁訖啰  
(二合)魔覩娑嚩(二合引)贺(引)

佛告四大天王。有陀罗尼能伏一切怨敌若复有人于古塔像处圣人得道处诸天诸仙住处。念此陀罗尼及读诵受持守护大千国土大明王经典。则能远离一切怨家诤讼更相杀害。能却他敌种种灾祸危难之事。

诸佛威神力 降伏诸魔怨  
正法威神力 破灭于非法  
僧伽威神力 降伏诸外道  
亦如天帝释 破坏阿修罗  
如彼阿修罗 能障于满月  
亦如杲日轮 能竭于海水  
如火烧众木 如水灭诸火  
如风除云暘 譬如金刚宝  
能破恶坚贞 诸天住诚实  
地居亦如是 佛法并僧伽  
以是真实住

即说陀罗尼曰。

曩莫三满跢没驮(引)南(引)唵(引)阿没哩(二合)帝(引)阿佉啰(二合)补瑟闭(二合)么  
虎颇礼(引)[宁\*页]嚩(引)啰拏萨嚩啰他(二合)娑(引)驮[宁\*页]阿跛啰(引)[口\*尔]  
帝(引)驮啰驮啰拏王呬也(二合)哩帝(二合)憍多铭虞虞么底咎婆[宁\*页]娑嚩(二合  
引)贺(引)惹曳(引)娑嚩(二合引)贺(引)惹曳尾惹曳娑嚩(二合引)贺(引)

佛告四大天王此。陀罗尼能降伏一切魔怨。能除一切业障。

是时世尊说伽他曰。

毘卢遮那大日主 阿閼如来及宝生  
无量寿佛胜成就 皆号金刚持明王  
观自在等八菩萨 恒为众生作依护  
彼恭敬者离执魅 解脱水火及刀杖  
若有忽遭王难苦 是人临欲损其形  
忆念观音自在名 彼刀杖寻段段坏  
若逢怨贼执刀杖 刀杖段坏墮于地  
是人究竟无所伤 一切宿业皆消灭

是时世尊说此伽他已。诸天天众即于佛前说伽他曰。

我等一心归命礼 三世一切诸如来  
归命牟尼真实言 归命不退菩萨众  
恒以智能方便力 安住众生实际中  
我等一切诸有情 所作事业悉成就

是时大梵天王及诸梵王。起立合掌赞言。世尊善说如是守护大千国土大明王  
陀罗尼甚深经典佛之密印。佛为法王与诸众生施无畏者。为欲利益一切世间  
童男童女得安乐故。令诸世间童男童女。不为罗刹而损坏故。使我世间人种  
不断故。此南阎浮提一切众生。最初闻佛说是法要最为殊胜。此阎浮提一切  
诸佛。诸大菩萨声闻缘觉。五通神仙护世四天王。一切诸天恒常集会。世尊  
有诸罗刹常食人胎。彼诸罗刹无人能知无能制伏。一切众生无有子息及不受  
胎。此诸罗刹常求其便。候彼男女和合之时。吸其精气使不受胎。断灭人种  
及羯逻蓝次案部谈。令彼女人其胎伤损。我今说此诸罗刹众各各名字。惟愿  
世尊听我所说。一名曼祖二名鹿王。三名塞健(二合)那四名阿钵娑么(二合)啰。  
五名母瑟致(二合)迦六名么怛哩(二合)迦。七名惹弭迦八名迦弭[宁\*页]。九名  
黎嚩帝十名布单那。十一名么怛哩(二合)难那十二名烁俱[宁\*页]。十三名建媿  
播底[宁\*页]十四名目佉满拏十五名阿监么。如是等诸罗刹昼夜巡行。于一切

处现可畏形作诸执魅。持彼童男童女种种疾病。使其男女现种种相。若曼祖计及鹿王魅者令恶吐逆。塞健(二合)那魅者小儿摇头。阿钵娑么(二合)啰魅者口吐涎沫。母瑟致(二合)迦魅者手指拳缩。么底哩(二合)迦魅者长喘而笑。惹弭迦魅者不饮其乳。迦弭[宁\*页]魅者睡即惊怖悟即啼哭。黎嚙底魅者常咬其舌。布单那魅者噎气咳嗽。么底哩(二合)难那魅者作种种色。烁俱[宁\*页]魅者嗅诸臭秽。建媿播拈魅者咽喉闭塞。目佉满拈魅者口频蹙缩。阿监么魅者小儿餒啉。如是等诸大罗刹复现种种可畏之状。令诸童男童女恒常惊怖。曼祖计现形如牛。鹿王其形如鹿。塞健(二合)那状如童子。阿钵娑么(二合)啰形如柴狗。母瑟致(二合)迦其形如鸟。么底哩(二合)迦其形如羖羊。惹弭迦现形如马。迦弭[宁\*页]者其状如驴。黎嚙底者现形如狗。布单那者形如鸚鵡。么底哩(二合)难那形如猫儿。烁俱[宁\*页]者形如飞鸟。建媿播拈其形如鸡。目佉满拈形如獾狐。阿监么者其形如雉。如是等诸大罗刹起毒害心。常于人间现如是相。惊怖小儿盗而食之。破坏其胎令胎伤损。此罗刹众若有闻此守护大千国土大明王经佛之密印。而不随顺违越之者。我有彦达缚大药叉将名栴檀香。彼旃檀香即遣使者。速疾往彼如弹指顷。即以縲索五处系缚将来至此。以是大明王而谪罚之。是时大梵天王合掌恭敬而作是言。世尊彼等是步多眷属。常于世间破坏人种。我今佛前设大誓愿。若有女人求于子息。受持戒法归依三宝。清静沐浴着新洁衣。于月八日或十四日于塔像前。以香涂地建曼拏罗。于中夜分入于道场。香花灯涂种种供养。其所供养悉使充满无令乏少。呪五色线一呪一结。如是加持满一百结。及白芥子令彼女人受持顶戴即得子息。若有人能建此道场。十二年中我自守护。令诸世间童男童女。离诸灾难不祥之事。若诸罗刹违越此经。我自谪罚诸罗刹众。头破七分其身碎坏犹如微尘。即说呪曰。

曩谟(引)没驮野曩谟(引)达么野曩谟(引)僧伽野怛儂也(二合)他唵(引)阿拟(引)曩拟婆嚙[宁\*页](引)伊难祢尾难祢戍攞[宁\*页]拟哩譏嚙哩譏嚙哩譏嚙嚙拈譏嚙拈譏哩(引)路(引)左[宁\*页](引)母攞酰(引)阿虎哩(引)钵啰(二合)揭哩沙(二合)拈娑嚙(二合引)贺(引)

是时大梵天王。说是呪已作如是言。由此神呪威神力故。令其胎藏速得成就。处胎安乐增长诸根。悉令圆满产生安乐。其子生已。烧安悉香及白芥子。以此神呪杂色线系儿身上。令彼男女寿命长远。是时世尊正遍知者。为欲拥护一切世间童男童女。处胎安乐离诸患难。即说陀罗尼曰。

曩莫三满路没驮南(引)唵(引)冒(引)地冒(引)驮(引)努么帝(引)颇攞礼嚙虎颇赖(引)识乞叉(二合引)识乞叉(二合)娑(引)啰嚙帝(引)娑(引)譏礼(引)努啰娑祢(引)娑(引)啰

钵囉(二合引)钵帝(二合)素囉么帝(引)婆拟婆譏(引)婆拟(引)婆拟[宁\*页](引)[宁\*页]囉(引)囉拏(引)娑囉(二合引)贺(引)

世尊说此陀罗尼已。彼等诸魅一十五种大罗刹众。合掌向佛而作是言。我等罗刹常啖血肉恼触于人。我今闻佛说此陀罗尼。若诸世间一切舍宅及以村落。有是经典所在之处。我当守护不敢违越。若诸男女处胎安乐使无灾难。奉佛教勅如佛无异。时彼罗刹即说呪曰。

曩谟(引)婆譏囉帝没驮(引)野曩谟(引)没囉(二合)憾么(二合)拏(引)悉钵覩满怛囉(二合)野那(引)娑多(二合引)囉曳冻尾儂演(二合引)鎧没囉(二合)憾么(二合引)曩么写覩娑囉(二合引)贺(引)

是时毘沙门天王即从坐起。偏袒右肩顶礼佛足。合掌恭敬而白佛言。世尊若有一切声闻弟子。能于此经典受持读诵。以诸多闻智慧方便为人解说。亦以此经起塔供养。而为利益一切众生。于月八日及十四日十五日。应当依法建曼拏罗作大供养。受持读诵如是经典。我等四王常于此日。令彼药叉罗刹步多鬼神立于我前。点其名字无令恼乱。受持如是守护大千国土大明王陀罗尼经者。世尊彼诸声闻。若常受持如是经典乃至为人解说。此声闻众我等兄弟。四大天王现其人前常为给使。衣服卧具饮食汤药。一切所须无令乏少。如是人等为诸众生。恭敬供养尊重赞叹。亦为一切国王王子沙门婆罗门在家出家及诸外道。恭敬供养尊重赞叹。诸善男子善女人及诸亲友。发欢喜心恭敬供养。随所乐欲衣服卧具。种种胜妙庄严之具悉得充足。彼诸声闻常与一切善友同和。不随恶友不生边地。不住边地不去边地。亦复不作边地之业。世尊若复有人为彼药叉罗刹步多鬼神所魅之者。当于彼前读诵如是守护大千国土大明王经。及为彼人分别解脱。我时四大天王广大兄弟。自隐其身守护彼人使得安乐。悉令解脱一切执魅不吉祥事。世尊若复有人于己舍宅。一日一夜读诵如是守护大千国土大明王经。是人舍宅一岁之中。无诸衰患不吉祥事。世尊若复有人常能受持此守护大千国土大明王经者。我等四王常现其前恭敬供养。云何为彼药叉罗刹步多鬼神而得其便。世尊如是真言句义甚深广博。无有穷尽亦难值遇。于此大明王平等法印受持之者。如是人等于诸世间甚为难得。最上最胜最为第一。

是时千眼帝释天主。顶礼合掌白佛言。世尊善说如是守护大千国土大明王甚深经典。我为安乐一切世间诸众生故。今于佛前说此真言明药等分和合所谓。

尸利沙花(一)么耶么(引)哩譏(二合二)怛譏嚧(啰江切三)揭诺迦(四)优昙钵攞(五)势(引)隶野(六)弭那[牟\*含](七)[口\*尔]瑟姹(二合)素迦利(八)末哩迦(二合)[齿\*来](引九)惹野波哩闭攞网(十)啰僧尾啰(引十一)三么哩迦(二合)多(十二)譏啰瞿娑(引十三)赞那曩(十四)嚧哩多(二合)剑(十五)俱瑟姹(二合)曩欠(十六)跛怛嚧(二合十七)揭(咤江切十八)婆啰(引)钵哩(二合)焰(十九)虞嚧(引)左曩(二十)飒钵力(三合)迦(引二十一)娑哩沙(二合)播(引二十二)满曩妻攞(引二十三)怛嚧(二合)咎嚧咎(二十四)供俱莽(二十五)酰(晒孕切)譏(二十六)

如是诸药及其诸色调和一处。念陀罗尼而加持之。若以此药着灯烛中。灯所照处一切药叉罗刹步多鬼神皆悉远离。若以此药点其眼中。眼所见处诸步多众。皆悉驰走舍离其处。若复有人为彼一切药叉罗刹步多鬼神之所魅者。亦以此药涂彼身上。诸步多众不敢违越。放彼精神即得痊愈。若以此药涂其树上及佛塔上。彼步多众见虚空中。雨大火焰犹如金刚。心生怕怖舍离本处。或于乐器箫笛箜篌。及以角贝铃铎钟鼓。世间所有出声之物。若以此药涂之于上。声所震处药叉罗刹步多鬼神。皆悉怕怖驰散而走。若涂飞鸟羽翼之上。国土城邑所到之处。药叉罗刹步多鬼神。皆悉怕怖驰散而走。乃至穷极无有方所。是诸飞鸟舍其身已。更不复受傍生之身。若置山岳江河陂池。一切方所随处置药。一切药叉罗刹步多鬼神皆悉远离。百由旬内无诸灾难人民安乐。若复有人入于战阵。涂于身上无所伤损。常得其胜必获安乐。若复有人蛇蝎蜚蠊。即令彼人速疾服食其毒消散。若复有人痔漏痈疽种种恶疮涂之得愈。若复有人常涂其身。是人远离一切灾难。增益国界王及人民。若见有人争讼之处。以药威力两得和解。非成就事亦得成就。令贫匮者悉得富饶。无子息者悉得如意。无辩慧者亦得辩慧。若复有人恒常诵持此陀罗尼。见身成就飞仙之位。此陀罗尼亦名果树。成就人天种种功德智能之果。能令众生离诸灾难。得安隐乐吉祥之果。此陀罗尼甚深句义。于诸世间无与等者。千眼帝释即于佛前。说陀罗尼曰。

曩谟(引)没驮(引)野曩谟(引)达么野曩谟(引)僧伽野怛儂也(二合)他唵(引)阿(引)骨嚧(二合)弥(引)尾骨嚧(二合)弥(引)步多嚧(引)晒(引)步灯譏弭(引)祢(引)呬(引)儂嚧驮哩驮哩那地儂曩弭(引)驱佉佉佉娑(引)嚧譏弭赞捺哩(二合引)拶波丽(引)迦礼儂迦礼贺(引)哩拈娑嚧(二合引)萨嚧播(引)闭(引)昆喻(二合引)么么阿酰谤(引)飒波哩嚧(引)啰写萨嚧萨怛嚧(二合引)难(引)左萨嚧祢拟昆药(三合)娑嚧(二合引)贺(引)儂贺多(引)儂萨嚧播波儂娑嚧(二合引)贺(引)

时千眼帝释说此陀罗尼已。彼大梵天王天帝释护世四王魔酰首罗大药叉将诃利帝母并其子及眷属俱。即于佛前起立合掌。异口同音而说偈言。

佛面犹如净满月 亦如千日放光明  
诸天及人阿修罗 如是世间无与等  
不可思议最胜智 药叉罗刹悉调伏  
名为解脱持明王 守护大千诸国土  
无量无边功德海 流出清净总持门  
利乐一切诸众生 令得最上胜悉地  
稽首丈夫无所畏 稽首调御天人师  
不可思议大法王 是故我今归命礼

是时世尊于正午时。从彼而起告诸比丘言。汝等比丘谛听谛听。此守护大千国土大明王陀罗尼经。若复有人受持读诵为人解说。如是人等舍此身已。得生诸天受胜妙乐。若在人间长夜安隐。所生之处为诸众生之所爱敬。若有比丘以此守护大千国土大明王陀罗尼经加持枯树。以是经典威神力故。彼诸枯树火不能烧。复得生长枝叶花果。如是等比以是经典威神力故。尚获种种胜妙果报。若诸众生过去所作身语意等诸恶业因。以是经典威神之力云何不灭。佛告诸比丘。我此经典总有五种眷属部类如是次第。所谓守护大千国土大明王陀罗尼经。佛母大孔雀明王经。尸多林经。大随求陀罗尼经。大威德神呪经。如是等皆为一切实来。降伏诸魔调难调者。息诸众生种种灾变。护持佛法及诸国界。速疾法门。如来往昔以如是等诸陀罗尼门甚深经典。恒常乞食远离五辛。修瑜伽行降伏魔军成等正觉。于是毘沙门天王作是言。世尊未来世中诸比丘众。不食五辛恒常乞食。于此经典有受持者不。佛言云何毘沙门言如是之人甚为难得。佛言未来世中诸出家者。不食五辛恒常乞食。依法受持此守护大千国土大明王陀罗尼经者。其数无量。毘沙门天王言。世尊若未来世有诸比丘。不食五辛恒常乞食。依法受持此守护大千国土大明王陀罗尼经者。我等四王常当拥护承事供养。是时世尊告诸比丘作如是言。汝等及未来世诸比丘众。不食五辛不贪美味恒常乞食。于此经典受持读诵为人解说。如是人等于一切处常得其胜。是人速疾得大总持。自护其身及护他人。若诸比丘不食五辛恒常乞食。应当一心如是观察。应观无常苦空无我。以无常故云何五辛。以无我故谁为受者。若诸比丘为欲守护国土城邑及为利益诸众生者。于月八日或十四日或白月十五日。建曼拏罗于豪贵家。取一童女其心清净。信乐大乘人相具足智能明了者。清净沐浴着新洁衣。种种严饰受持五戒。一日一夜清斋不食。以七色丝作四合线。以此陀罗尼而加持之。即结其线成一百结复以利刀碎截其线掷入宝椀。椀中致水以花覆之。涂香烧香种种供养。读诵是经及念此陀罗尼。而加持之掷线椀中。当结线时以梵音声作如是言。我依释迦牟尼佛。受持如是守护大千国土大明王陀罗尼经。令一切

世间种种诸毒入山石间。微钵尸佛尸弃佛。毘舍浮佛拘留孙佛。拘那含牟尼佛迦叶佛。我释迦牟尼。以如是等诸佛如来正遍知者威神力故。能除毒令毒入地。令此国土王及人民。离诸怖畏获得安乐。索诃世界主大梵天王。及天帝释护世四王。摩拏跋捺啰(二合)大药叉将。魔酰首罗黑赞拏利大罗刹女。愿以如是等大威德大力诸天。受此香花饮食周遍供养。使一切毒悉皆消灭。令此国土王及人民。离诸怖畏获得安乐。于时世尊即说陀罗尼曰。

曩莫三满跢没驮(引)南(引)唵(引)佉佉铭(引)尸铭(引)尸尾(引)尸虎[宁\*页](引)尸摩尸铭(引)娑嚩(二合)悉底(二合)娑嚩(二合)悉底(二合)扇(引)底扇(引)底娑啰(引)佉哩(二合)半左(引)弭沙僧悉瑟咤(二合)野他(引)贺(引)嚩[宁\*页]啰(引)弭衫曳曩那识罔(二合)野他(引)素怛嚩(二合)萨底焰(二合)俱哩晚(二合)覩多(引)祢哩(二合)商怛儂也(二合)他迦黎(引)迦攞黎(引)舍路铭(引)阿拟儂(二合)僧訖啰(二合引)么拏娑嚩(二合引)贺(引)

曩谟微钵尸佛尸弃佛。毘舍浮佛拘留孙佛。拘那含牟尼佛迦叶佛。我释迦牟尼佛憍答摩。七佛正遍知者。我悉归命彼诸如来。香花饮食运心供养。以如是等诸佛如来广大威德神通之力。满我所愿令得安乐。佛说此经已。诸比丘众大梵天王。及天帝释护世四王。诸天人民闻佛所说。皆大欢喜礼佛而退。

## 佛说守护大千国土经卷下

---

【经文信息】大正藏第 19 册 No. 0999 佛说守护大千国土经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【中华电子佛典协会数据库版权宣告】

---